



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“, broj: 95/12 i 41/16), člana 25. Pravilnika o godišnjim finansijskim izvještajima političkih stranaka („Službeni glasnik BiH“, broj: 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“, broj: 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2017. GODINU PRVE MOSTARSKJE PARTIJE

Broj: 03-07-6-290/18
Sarajevo, 04.09.2019. godine

S A D R Ź A J

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA.....	4
Predmet pregleda i kontrole.....	5
Cilj pregleda i kontrole	5
Obim pregleda i kontrole.....	5
4. PRETHODNE KONTROLE I REVIZIJE	5
5. NALAZI I PREPORUKE REVIZIJE	5
5.1 NALAZI.....	5
5.2. PREPORUKE.....	6

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Prve mostarske partije za 2017. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Pregledom godišnjeg finansijskog izvještaja za 2017. godinu, utvrđeno je da je Prva mostarska partija prekršila odredbe člana 5. stav (4), člana 6. stav (2), člana 11. stav (1) i člana 12. stav (1) i stav (4) Zakona o finansiranju političkih stranaka.

Pregledom, odnosno kontrolom finansijskih izvještaja, osim gornjih napomena nismo zapazili ništa značajno, što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Prve mostarske partije za 2017. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Prva mostarska partija se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	384,00	12,66
2.	Prilozi fizičkih lica (3-a)	2.549,50	84,04
3.	Prilozi pravnih lica (3-b)	100,00	3,29
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	0,00	0,00
8.	Prihodi od propagande (3-g)	0,00	0,00
I	Ukupni prihodi (1-8)	3.033,50	99,99
II	Ostali prihodi i drugo	0,08	0,01
	Izvori finansiranja (I+II)	3.033,58	100,00

U godišnjem finansijskom izvještaju stranka je iskazala rashode u ukupnom iznosu od 3.922,56KM.

2. PREDSTAVLJANJE POLITIČKE STRANKE

Naziv političke stranke je Prva mostarska partija. Skraćeni naziv stranke je PMP.

Prva mostarska partija registrovana je kod Općinskog suda u Mostaru, rješenjem broj: R/1-14 od 24.02.2014. godine.

Sjedište političke stranke je u Mostaru, ulica Lacina bb, Villa „Neretva“.

Lica ovlaštena za zastupanje stranke su Semir Drljević, predsjednik stranke i Edin Hadžić, podpredsjednik stranke.

Lice ovlašteno za podnošenje finansijskih izvještaja za 2017. godinu je Senad Razić.

U finansijskom izvještaju stranka je konstatovala da nema niže nivoe organizovanja, a u organizacionoj strukturi je navela Centralu.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Prve mostarske partije za 2017. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka, te da li je ostvarila troškove izborne kampanje u okviru zakonom utvrđenog limita.

Obim pregleda i kontrole finansijskih izvještaja Prve mostarske partije obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja.

4. PRETHODNE KONTROLE I REVIZIJE

Služba za reviziju izvršila je pregled godišnjih finansijskih izvještaja Prve mostarske partije u periodu od 2014. do 2016. godine, nakon čega su izdati izvještaji o pregledu sa mišljenjem revizora, nalazima i preporukama revizije.

Nakon izvršenog pregleda godišnjeg finansijskog izvještaja za 2016. godinu, Služba za reviziju je izdala Izvještaj o pregledu godišnjeg finansijskog izvještaja Prve mostarske partije sa mišljenjem revizora, nalazima revizije i preporukama stranci da uspostavi evidencije o svojim nenovčanim donacijama, da sredstva prikupljena po osnovu članarina uplaćuje na transakcijski račun, da izdaje potvrde o primljenim priložima, da uspostavi adekvatne evidencije o prihodima i rashodima u svojim poslovnim knjigama, odnosno da poslovne knjige vodi u skladu sa računovodstvenim propisima i da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka.

Nerealizovane preporuke:

Na osnovu uočenih nedostataka u godišnjem finansijskom izvještaju za 2017. godinu, utvrđeno je da Prva mostarska partija nije ispoštovala preporuke revizije.

5. NALAZI I PREPORUKE REVIZIJE

5.1 NALAZI

a) Prva mostarska partija prekršila je odredbe člana 5. stav (4) i člana 6. stav (2) Zakona o finansiranju političkih stranaka.

- Prva mostarska partija nije izvršila uplatu članarina na transakcijski račun stranke, čime je prekršila odredbe člana 5. stav (4) Zakona o finansiranju političkih stranaka.

Uvidom u izvode stranke i poslovne knjige utvrđeno je da je stranka primila članarine putem blagajne u iznosu od 312,00 KM, a primljena sredstva je djelimično uplatila na transakcijski račun stranke, odnosno stranka je uplatila iznos od 200,00 KM na svoj transakcijski račun.

- Takođe, utvrđeno je da prilozi fizičkih lica u iznosu od 809,50 KM i prilozi pravnih lica u iznosu od 100,00 KM nisu uplaćeni na transakcijski račun stranke, što je suprotno odredbama člana 6. stav (2) Zakona o finansiranju političkih stranaka. U skladu sa odredbama člana 6. stav (2) Zakona o finansiranju političkih stranaka, dobrovoljni prilozi u novcu uplaćuju se na transakcijski račun centrale političke stranke¹.

b) Stranka je prekršila odredbe člana 11. i člana 12. stav (1) i stav (4) Zakona o finansiranju političkih stranaka.

Pregledom godišnjeg finansijskog izvještaja i raspoložive finansijske dokumentacije, utvrđeno je da Prva mostarska partija nije uspostavila potpune i adekvatne evidencije o svojim prihodima i rashodima i obavezama i da obrasce finansijskog izvještaja nije popunila u skladu sa Pravilnikom o godišnjim finansijskim izvještajima političkih stranaka- u daljnjem tekstu: Pravilnik, čime je prekršila odredbe člana 11. i člana 12. stav (1) i stav (4) Zakona o finansiranju političkih stranaka.

- Uvidom u poslovne knjige stranke utvrđeno je da stranka nema evidencije o deviznom računu otvorenom kod Privredne banke Sarajevo. Stranka nije ostvarila promet po navedenom računu.
- Stranka je u finansijskom izvještaju prijavila prihod od članarine u iznosu od 384,00 KM. Uvidom u dokumentaciju utvrđeno je da ukupan prihod od članarine u 2017. godini iznosi 312,00 KM, te da je stranka iskazala prihod od članarine u većem iznosu za 72,00 KM. Takođe, utvrđeno je da je stranka u svojim poslovnim knjigama izvršila pogrešno knjiženje prihoda od članarina. Naime, stranka je prikupljene članarine za 2018. godinu u ukupnom iznosu od 156,00 KM evidentirala kao prihod 2017. godine, čime je i ukupne prihode prijavila u većem iznosu za 156,00 KM.
- Stranka u poslovnim knjigama nije evidentirala troškove zakupa u iznosu od 2.100,00 KM, kao ni obaveze prema Privrednom društvu za promet nekretnina doo Mostar po osnovu ugovora o zakupu, dok je u obrascu 4.1 finansijskog izvještaja (Režijsko-administrativni i ostali troškovi) troškove zakupa prijavila u većem iznosu za 150,00 KM, što je suprotno odredbama člana 22. Pravilnika.
- Stranka u obrascu 5 (obaveze političke partije) finansijskog izvještaja nije iskazala svoje obaveze, čime je prekršila odredbe člana 24. Pravilnika. Uvidom u poslovne knjige stranke utvrđeno je da su neizmirene obaveze stranke na dan 31.12.2017. godine iznosile 400,23 KM i to prema dobavljačima BH Telekom doo Sarajevo u iznosu od 208,23 KM i Faceart doo Goražde u iznosu od 192,00 KM

5.2. PREPORUKE

Preporučuje se Prvoj mostarskoj partiji da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- ***da sredstva prikupljena po osnovu članarina, priloge fizičkih i pravnih lica uplaćuje na transakcijski račun stranke,***
- ***da uspostavi adekvatne evidencije o prihodima i rashodima u svojim poslovnim knjigama, odnosno da poslovne knjige vodi u skladu sa računovodstvenim propisima i***

¹ U skladu sa odredbama iz člana 5. stav (4) Zakona o finansiranju političkih stranaka, članarinu i dobrovoljne priloge ovlašteno lice u u političkoj stranci uplaćuje na transakcijski račun političke stranke najkasnije u roku od 10 dana od dana prijema uplate.

- *da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka.*

KOMENTAR:

Prva mostarska partija nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2017. godinu.

Revizor

Veliborka Kenjić

Šef Službe za reviziju

Mr.sc Hasida Gušić